



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2005. GODINU STRANKE ZA BOSNU I HERCEGOVINU

Broj: 09-07-6-638/06
Sarajevo, 17. april 2007. godine

SADRŽAJ:

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KANCELARIJSKE REVIZIJE	5
Predmet kancelarijske revizije	5
Cilj kancelarijske revizije.....	5
Obim kancelarijske revizije	5
4. PRETHODNE REVIZIJE.....	5
5. NALAZI KANCELARIJSKE REVIZIJE I PREPORUKE	5
5.1. NALAZI	5
5.2. PREPORUKE.....	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju godišnjeg finansijskog izvještaja **Stranke za Bosnu i Hercegovinu** za 2005. godinu

Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg finansijskog izvještaja političke stranke, kontrolu izvoda iz poslovnih knjiga političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda utvrđeno je sljedeće:

1. Stranka nije pravilno popunila finansijski izvještaj. U godišnjem finansijskom izvještaju političke stranke nisu iskazani svi prihodi i rashodi koji su evidentirani u poslovnim knjigama stranke, dok su neki podaci iskazani na pogrešnim obrascima, čime je stranka prekršila odredbe člana 11. stav 3. Zakona o finansiranju političkih stranaka.

Na osnovu našeg pregleda, odnosno revizije finansijskog izvještaja, osim gornje napomene pod 1. nismo zapazili ništa značajno što bi ukazalo na druge nedostatke u izvještaju ili finansiranju ove političke stranke, te nije potrebno vršiti dodatnu reviziju u prostorijama stranke po članu 14. stav 7. Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju godišnjeg finansijskog izvještaja Stranke za Bosnu i Hercegovinu za 2005. godinu.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05, od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranka za BiH iskazala prihode u iznosu od 1.989.130,74 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u Uk.prih. %
1	Članarina	25.939,00	1,30%
2	Prilozi fizičkih lica	10.217,00	0,51%
3	Prilozi pravnih lica	38.884,97	1,95%
4	Prihodi od imovine	1.029,46	0,05%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	1.780.522,45	89,51%
8	Ostali prihodi	132.537,86	6,66%
	Ukupni prihodi:	1.989.130,74	100,00%

U godišnjem finansijskom izvještaju Stranka za BiH je iskazala ukupne rashode u iznosu od 1.527.184,80 KM.

2. PREDSTAVLJANJE POLITIČKE STRANKE

Stranka za BiH je osnovana 25.04.1996. godine kada je na osnovu Rješenja Višeg suda u Sarajevu upisana u registar političkih organizacija. Broj upisa u sudski registar je R-I-2/96.

Rješenjem Kantonalnog suda u Sarajevu br. R-I-2/02 od 25.04.2002. godine u sudski registar su upisane promjene sjedišta stranke, tako da je sjedište Stranke za BiH u ulici Maršala Tita 9a. Lice ovlašteno za zastupanje i predstavljanje stranke je Generalni sekretar stranke Munib Jusufović. Lice ovlašteno za podnošenje finansijskih izvještaja za 2005. godinu je Munir Lojo. Skraćeni naziv Stranke za Bosnu i Hercegovinu je SBiH.

SBiH je organizirana na teritorijalnom principu. Teritorijalnu strukturu stranke čine sljedeći organizacioni dijelovi:

- Centrala SBiH,
- Regionalno vijeće SBiH Brčko,
- 9 kantonalnih vijeća SBiH;
- Gradski savjet SBiH Mostar i
- 54 opštinska savjeta SBiH.

SBiH je u 2005. godini poslovala preko 67 transakcijskog računa, otvorenih kod petnaest (15) poslovnih banaka.

3. OPIS PREGLEDA I KANCELARIJSKE REVIZIJE

Predmet kancelarijske revizije je godišnji finansijski izvještaj SBiH za 2005. godinu i dodatna finansijska dokumentacija (izvodi iz poslovnih knjiga) za Glavni odbor SBiH.

Cilj kancelarijske revizije je da revizor na bazi finansijskog izvještaja pokuša da ustanovi da li je SBiH u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim kancelarijske revizije finansijskih izvještaja SBiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta, priloge fizičkih i pravnih lica i prihode od imovine.

4. PRETHODNE REVIZIJE

Izvršena je revizija finansijskih izvještaja SBiH za 2004. godinu i izdat revizijski izvještaj sa mišljenjem revizora, nalazima i preporukama revizije. Politička stranka nije ispoštovala preporuke revizora. Revizija finansijskih izvještaja za 2004. godinu je izvršena krajem 2005. godine, dok je konačan revizijski izvještaji sa preporukama, stranci dostavljeni u 2006. godini, nakon što je politička stranka Centralnoj izbornoj komisiji podnijela godišnji finansijski izvještaj za 2005. godinu.

5. NALAZI KANCELARIJSKE REVIZIJE I PREPORUKE

5.1. NALAZI

- a) **Na osnovu obavljene kontrole prihoda iskazanih u godišnjem finansijskom izvještaju za 2005. godinu i uporedbom podataka iz izvještaja sa podacima o prihodima iskazanim u glavnoj knjizi Glavnog odbora stranke, utvrđena su odstupanja koja ukazuju na kršenje odredaba člana 11. stava 3. Zakona o finansiranju političkih stranaka.**
 - Stranka nije popunila finansijski izvještaj u skladu sa Pravilnikom o godišnjim finansijskim izvještajima. Prihodi iskazani na nivou stranke (zbirni obrazac 3) ne odgovaraju zbiru prihoda ostvarenih po organizacionim dijelovima stranke.
 - Prilozi fizičkih i pravnih lica prijavljeni i iskazani na obrascu 3-a u iznosu 2.002,50 KM i prihod od imovine iskazan na obrascu 3-e u iznosu 2.300.83 KM nisu iskazani kao prihod na nivou stranke.
 - Prihod iz budžeta u iznosu 43.335.30 KM iskazan na obrascu prihoda na nivou političke stranke (obrazac 3), nisu iskazan na obrascu 3-f.

U finansijskom izvještaju političke stranke (na obrascu 3) je iskazan prihod iz budžeta u iznosu od 1.780.522,45 KM, dok zbir pojedinačnih uplata iz budžeta koje je stranka iskazala na obrascu 3-f iznosi 1.737.187,15 KM.

Prema podacima dobijenim od institucija BiH ovoj stranci u 2005. godini iz budžeta su uplaćena sredstva u iznosu od 1.693.008,01 KM i manja su za 87.514,44 KM od prihoda iz budžeta koji je SBiH iskazala u finansijskom izvještaju za 2005 godinu.

- U finansijskom iskazu Bilans upjeha koji je SBiH podnijela Agenciji za finansijsko-infirmatičke i posredničke usluge d.d. Sarajevo iskazan je prihod od vlastite aktivnosti u iznosu od 12.649,00 KM a koji stranka nije prijavila u finansijskom izvještaju koji je dostavila Centralnoj izbornoj komisiji BiH.

b) Na osnovu obavljene kontrole troškova iskazanih u godišnjem finansijskom izvještaju za 2005. godinu na nivou stranke i uporedbom sa podacima iskazanim po organizacionim dijelovima stranke, uočena su sljedeća odstupanja:

Stranka nije pravilno popunila finansijski izvještaj. Troškovi iskazani na nivou stranke (zbirni obrazac 4) u iznosu od 1.527.184,80 KM za 26.405,02 KM su manji od zbira pojedinačnih troškova iskazanih na istom obrascu. Ukupni troškovi SBiH veći su od troškova iskazanih po organizacionim dijelovima za 246.739,52 KM.

Na nivou političke stranke iskazani su veći troškovi:

- režijsko-administrativni troškovi za 223.419,38 KM i
- ostali troškovi za 23.239,99 KM

5.2. P R E P O R U K E :

Na osnovu uočenih nedostataka Stranci za Bosnu i Hercegovinu se preporučuje:

- *Stranka mora podnositi finansijske izvještaje u skladu sa članom 11. stav 3. Zakona o finansiranju političkih stranaka*
- *Finansijski izvještaj treba biti sačinjen u formi propisanoj Pravilnikom o godišnjim finansijskim izvještajima političkih stranaka*

Hasida Gušić, šef Službe za reviziju - revizor